

02食畫

汪采緹

讀國小了後，就無像幼稚園，半晡仔閣有點心通好食，下課無閒俗囡仔伴迢迢，沓沓仔袂記得食點心這項代誌。毋過阮教室挂好離學校的灶跤較近，定定第二節下課，就會當鼻著芳貢貢的氣味，予我鼻著煞大腸告小腸。有當時仔，我會擋袂牢，走去走廊看貼佢頂懸的菜單；有時陣免看，用鼻的就知影今仔日有好料的餚路，予我心肝底充滿期待俗歡喜。

逐工早起到十一點彼跤兜，灶跤的阿姨就會共一桶一桶煮好的菜，圓佢走廊的椅仔頂，到十二點食畫的時陣，阮逐家才鬥陣共搬入來教室的餐車頂懸。食畫服務隊的同學就會戴塑膠帽仔、掛手套、喙罨，共逐家貯飯、夾菜。為著防疫，阮的椅桌攏愛竚隔枋，了後排隊貯饭菜，上尾才會當開始食飯。這個時陣，就有真濟齣頭會發生，有人食一喙就含咧規晡久，按怎都吞袂落去，著愛老師一直共催；有人俗饭菜相對看，因為伊欲等人共飼，聽候班長食煞，就會過來擰湯匙仔一喙一喙咧共飼；有一觸久仔就食甲空空，欲闔來一碗。我是沓沓仔享受，尤其彼工若是有滷卵，我會共滷卵留佢上尾才食，因為我上愛食滷卵。看著卵佢碗底輾來輾去，就感覺這頓足腥臊，心情真好，

就算是無愛食的菜蔬嘛攏變好食矣。到落尾我才會共伊吞落腹肚底，心滿意足完成今仔日食畫的活動。

若挂著特別的日子，親像兒童節，學校就會共阮上俗意的幾項套餐印做選票，予逐家投票。這個時陣，我真正袂曉選，因為逐套我都愛。校慶運動會彼工，學校真鬧熱，彼工的中畫頓嘛真特別，毋但有意大利麵、焗雞排，閣有罕得看著的粉圓甜湯。

老師講學校的營養午餐，是營養師專工為阮設計，愛阮好好仔食，毋通討債，食予飽才會勢大。其實我偷偷仔共恁講，我真愛食學校的營養午餐，因為菜色逐工都有變化，予我足期待的，這嘛是我俗意來學校的原因之一啦！